



Universitätsbibliothek Paderborn

Instructio practica ...

Continens Armamentarium Seu Panoplima Spiritualem - Id est, Varia arma
& media ad omnis generis tentationes fortiter sustinendas, & feliciter
superandas, Ad Omnium Quidem Animarum

Lohner, Tobias

Dilingæ, 1688

Tent. II. Circa beneficiorum collationem improbis factam.

[urn:nbn:de:hbz:466:1-48377](#)

re, & inter malos bonum esse; ex uno autem actu heroico, & generoso passionum victoria major Deo honor & gloria, quam per impiorum scelera inhonratio, accedat, etiam ex hoc capite bonitati divinæ nihil contrarium fieri, si plura peccata malorum, quam opera bona Justorum permittantur.

V. Quartò illi ostendat, quod ipsæ etiam perfections DEI, maximè longanimitas, Misericordia, & justitia clarius elucescant ex malorum hominum multitudine; quis enim neget, longanimitatem DEI per hoc maximè ostendi, quod tot peccatores tot, tamque gravia peccata committentes non statim ad infernum detrudat? quis Rex terrenus tamdiu dissimularet graves offensas in se perpetratas? sed & Misericordia ejus ex hoc elucet, quod illos longè infra condignum puniat; tum quod, ut S. Augustinus l. 12. de civ. c. 3. ait, satius est damnatis plecti, quam æternum deformes esse meritis culpis sine ulius reformatione poenæ & decore vindictæ.

§. II.

Tentatio II. Circa beneficiorum collationem improbis factam.

VI. Eusebius homo pauper & egenus advertens, se, licet bene vivere studeat, gravi rerum omnium inopiam premi, pessimis autem hominibus omnia ad votum fluere, sumimique divitarum, voluptatum, & honorum abundantiam concedi, gravi-

graviter aliquoties tentatur , faceturque , se vehementer impelli , ad similem illis vitam instituendam , ut & ipse ex suis miseriis evadere , ac meliorem fortunam experiri possit . Quæritur , quomodo contra hanc temptationem armandus sit ?

Responso.

VII. Primò illi ostendatur , eandem temptationem jam olim etiam Jeremiam Prophetam fuisse passum , uti ipsem cap. 12. fatetur dicens : *Justus quidem tu , Domine , si disputem tecum : verumtamen justus loquar ad te . Quare via impiorum prosperatur : bene est omnibus , qui prævaricantur , & iniquè agunt : Plantasti eos , & radicem miserunt : proficiunt , & faciunt fructum .* Quomodo autem hanc temptationem vicerit , mox subjungit : *Congrega eos quasi gemmæ ad victimam , & sanctifica eos in die occisionis .* Quasi dicere voluerit , sicut vitulus aliquis aut bos pascualis non propterea felix est censendus , quod abundantius saginetur , quia haec omnia ad mortem accelerandam ordinantur , ita nec impii propriea felices sunt censendi , quod temporalibus afflant bonis , sed multò magis miseri sunt reputandi , qui ad æternas pœnas & mortem reservantur .

VIII. Secundò illi referatur , quid S. Laurentius Justin. cap. 4. de cast. connub. dixerit : *Nullum omnino absque remuneracione esse permittit (DEUS) operantem bonum : peccatoribus quidem & hujus saeculi incolis , temporalium reddit pro labore merendum , quam appetunt , quam querunt , & quæ contentan-*

tentantur tanquam alieni à D E O & à Sanctorum hereditate extranei. Iustis autem & verè peregrinantibus aliter merita compensantur, ipsis nempe temporali surripitur successus, nam facile amittunt cœlestia, qui terrenis abundant.

I X. Tertiò pariter narretur, quid Arnobius in Psal. 78. dixerit: *Sape Dominus peccatoribus in hoc mundo latitiam, & abundantiam, & potentiam usurpatam relinquit; quia scit, quæ passuri sunt in gehenna incendia, & condolens eis avertit in hoc seculo iram suam ab eis; itaque non est illis invidendum hoc misera felicitatis interstitium.*

X. Quartò ostendatur, quòd favor iste temporalis pessimorum accensendus sit præcipuis Providentiae indicis, ut D. Thomas in opus. indicat sequentibus verbis: *D E U S gerit curam hominum, quos ad imaginem & similitudinem suam fecit, quos membra dilecti Filii sui constituit, & templum Spiritus Sancti ordinavit, singulis singulos ad custodiam deputans & carne & sanguine pretioso Filii sui reficiens; quodque præstantius est, peccatoribus inimicis suis vita necessaria providet abundantius, quam amicis. Tantus est inimicorum favor, ut ipsum D E V M commendet.*



s. III